



Na osnovu čl. 64. stav (1) i 70. Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 30.10.2023. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU **o izboru najpovoljnijeg ponuđača**

Član 1.

(Predmet odluke)

Ugovor o nabavci usluga LOT 1 – Usluge štampanja i grafičkih rješenja se dodjeljuje ponuđaču **PRIMAPROM d.o.o. Banja Luka**, za ponuđenu ukupnu vrijednost 108.000,00 KM bez PDV-a.

Član 2.

(Kriterij za dodjelu ugovora)

(1) Ponuda ponuđača iz člana 1. ove odluke zadovoljava sve uslove utvrđene u predmetnom otvorenom postupku (okvirni sporazum sa jednim ponuđačem).

(2) Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u obavještenju o nabavci i Tenderskoj dokumentaciji.

Član 3.

(Obaveze ponuđača)

Ukoliko izabrani ponuđač nije dostavio dokaze o ispunjavanju kvalifikacijskih uslova prije prijema ove odluke, isti ih je dužan dostaviti na način i u roku navedenim u Tenderskoj dokumentaciji.

O b r a z l o ž e n j e

Postupak javne nabavke proveden je putem otvorenog postupka (okvirni sporazum sa jednim ponuđačem). Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-2-169-3-91/23 od 28.09.2023. godine. Primljene su ponude ponuđača: ŠTAMPARIJA FOJNICA D.D. Fojnica, BLICDRUK d.o.o. Sarajevo, PRIMAPROM d.o.o. Banja Luka, GRAFIČAR d.o.o. Bihać, GRAFIKA ŠARAN d.o.o. Sarajevo i OXYGEN d.o.o. Sarajevo.

Komisija za nabavke imenovana Rješenjem, br. 05-16-4-158-1/23 od 11.01.2023. godine i 05-16-4-160-2/23 od 22.05.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-3289-32/23 od 30.10.2023. godine (u daljem tekstu: Zapisnik) je u prilogu ove odluke) i utvrdila sljedeće:

Ponuda ponuđača OXYGEN d.o.o. Sarajevo se odbacuje jer ponuđač nije ispunio zahtjeve iz tenderske dokumentacije, broj 05-16-4-3289-2/23 od 28.09.2023. godine (u daljem tekstu: TD), a u skladu sa članom 68. stav (1) Zakona o javnim nabavkama.

Ugovorni organ je tačkom 5.3.1. a) TD, u svrhu ispunjavanja uslova za kvalifikaciju, od ponuđača zahtijevao da raspolaže sa najmanje dva stručnjaka koji su odgovorni za pružanje usluga koji posjeduju odgovarajuće kvalifikacije, i to da posjeduju najmanje SSS grafičke struke.

Nadalje, ugovorni organ je u svrhu ispunjavanja uslova za kvalifikaciju zahtjevanih tačkom 5.3.1. a) TD, između ostalog, tačkom 5.3.2. c) TD zahtijevao da ponuđači u svojoj ponudi dostave original ili kopiju ovjerenu od strane nadležnog organa (sud, notar ili općina) diplome o završenoj stručnoj spremi grafičke struke za angažovane stručnjake.

OXYGEN d.o.o. Sarajevo je svrhu dostave dokaza zahtjevanih tačkom 5.3.2. c) TD, u svojoj ponudi, broj 138-10-2023 od 16.10.2023. godine (u daljem tekstu: Ponuda), na str. od 12 i 13, dostavio ovjerenu kopiju ovjerenu od strane nadležnog organa (sud, notar ili općina) diplome o

završenoj stručnoj spremi grafičke struke za jednog stručnjaka. Međutim, daljim pregledom ponude, Komisija za nabavke je utvrdila da OXYGEN d.o.o. Sarajevo nije dostavio zahtijevani dokaz (diplomu) o završenoj stručnoj spremi grafičke struke za drugog stručnjaka.

Ponuda ne ispunjavanja zahtjeve iz TD jer je OXYGEN d.o.o. Sarajevo dostavio kopiju ovjerenu od strane nadležnog organa (sud, notar ili općina) diplome o završenoj stručnoj spremi grafičke struke samo za jednog stručnjaka, a ne za dva, kako je to zahtijevano tačkom 5.3.2. c) TD, a u svrhu ispunjavanja uslova za kvalifikaciju iz tačke 5.3.1. a) TD.

U skladu sa prethodno navedenim, Ponuda ponuđača OXYGEN d.o.o. Sarajevo je ocijenjena neprihvatljivom.

Ponuda ponuđača GRAFIKA ŠARAN d.o.o. Sarajevo se odbacuje jer ponuđač nije ispunio zahtjeve iz TD, a u skladu sa članom 68. stav (4) tačka b) Zakona o javnim nabavkama.

Ugovorni organ je tač. 7.7.1., 7.7.2. i 7.7.4. TD propisao sljedeće: iznos garancije za ozbiljnost ponude, period važenja garancije, formu i način dostave garancije.

Komisija za nabavke je pregledom ponude ponuđača GRAFIKA ŠARAN d.o.o. Sarajevo broj 27/23 od 16.10.2023. godine (u daljem tekstu: Ponuda), utvrdila da ponuđač nije postupio u skladu sa zahtijevanim iz tač. 7.7.1. i 7.7.2. TD tačnije nije dostavio garanciju za ozbiljnost ponude, iako je ona zahtijevana.

U skladu sa prethodno navedenim, Ponuda ponuđača GRAFIKA ŠARAN d.o.o. Sarajevo je ocijenjena nepravilnom.

Ponuda ponuđača BLICDRUK d.o.o. Sarajevo se odbacuje jer ponuđač nije ispunio zahtjeve iz TD, a u skladu sa članom 68. stav (4) tač. i) i j) Zakona o javnim nabavkama.

Ugovorni organ je tač. 7.7.4. i 7.7.6. TD je propisao način dostave i postupanja sa garancijom za ozbiljnost ponude. U navedenim tačkama je između ostalog navedeno:

“7.7.4. Garancija se ne smije bušiti radi ulaganja uz ponudu već treba biti dostavljena na slijedeći način:

- originalna bankarska garancija se pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača.

7.7.6. Postupanje sa garancijom za ponudu vršit će se u skladu sa odredbama Pravilnika o formi garancije za ozbiljnost ponude i izvršenje ugovora”.

Ponuđač BLICDRUK d.o.o. Sarajevo je dostavio garanciju za ozbiljnost ponude u skladu sa iznosom, formom i periodom važenja ponude, ali ista nije uvezana u cjelinu zajedno sa ostatkom ponude, tačnije garancija za ozbiljnost ponude je fizički odvojena od ostatka ponude i nije uvezana sa ostatkom ponude.

S tim u vezi, ponuđač BLICDRUK d.o.o. Sarajevo, u svojoj ponudi broj 203/23-1 od 16.10.2023. godine (u daljem tekstu: Ponuda), nije dostavio garanciju na način kako je to propisano odredbama TD i Pravilnika o formi garancije za ozbiljnost ponude i izvršenje ugovora („Službeni glasnik BiH“, broj 90/14) (u daljem tekstu: Pravilnik o garanciji).

Članom 3. stav (1) Pravilnika o garanciji, između ostalog, propisano je da garancija za ozbiljnost ponude mora biti uvezana u cjelinu i čini sastavni dio ponude.

Nadalje, u stavu (3) istog člana, propisano je da ukoliko garancija za ozbiljnost ponude nije dostavljena na način kako je propisan članom 3. stav (1) Pravilnika o garanciji, ugovorni organ je dužan odbaciti ponudu.

Obzirom na prethodno navedeno, te na utvrđeno činjenično stanje, Ponuda ponuđača BLICDRUK d.o.o. Sarajevo je također ocijenjena nepravilnom budući da isti nije dostavio garanciju za ozbiljnost ponude na način kako je to definisano odredbama TD i Pravilnikom o garanciji.

Ponude ponuđača ŠTAMPARIJA FOJNICA D.D. Fojnica, PRIMAPROM d.o.o. Banja Luka i GRAFIČAR d.o.o. Bihać su ocijenjene kao prihvatljive, budući da su u skladu sa uslovima iz TD i u okviru budžeta planiranog za predmetnu nabavku.

U predmetnom postupku zakazana je e-aukcija, u skladu sa Pravilnikom o uslovima korištenja e-aukcije ("Sl. glasnik BiH", broj 66/16). Ponuđači ŠTAMPARIJA FOJNICA D.D. Fojnica, PRIMAPROM d.o.o. Banja Luka i GRAFIČAR d.o.o. Bihać su kvalifikovani učesnici u postupku e-aukcije.

Nakon provedenog postupka e-aukcije prvorangirani ponuđač je PRIMAPROM d.o.o. Banja Luka, čija ponuda zadovoljava sve uslove iz TD i u okviru je budžeta planiranog za predmetnu nabavku. Izvještaj o provedenoj e-aukciji, broj 05-16-4-3289-30/23 od 30.10.2023. godine, je u prilogu Zapisnika i sastavni je dio istog.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za izbor najpovoljnijeg ponuđača **PRIMAPROM d.o.o. Banja Luka**.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-3289-34/23

Datum: 01.11.2023. godine

Dostavljeno:

- Ponuđačima,
- Odjelu za finansije i računovodstvo,
- a/a.

Direktor Sekretarijata
MP
Admir Suljagić

